


YO!

Untuk Generasi Sekal

Belia perlu cabaran minda
- Najib

Persembahan kreatif dan
inovatif Hari Belia

Waterski & Wakeboard di Putrajaya



Kemuncak Bela Diri





20,000 peserta berentap

Kejohanan Sukan Mempertahankan Diri Kebangsaan 2009

Sepuluh disiplin seni bela diri akan mengambil bahagian bagi merebut 1,214 pingat.

Oleh HAMIMAH HAMID
youtusan@gmail.com

KEJOHANAN Seni Mempertahankan Diri Kebangsaan telah mula dilaksanakan sejak tahun 1997 sebagai salah satu acara sambutan hari kebangsaan. Program tahunan tersebut merupakan acara kemuncak bagi pelaksanaan semua aktiviti seni mempertahankan diri di seluruh negara.

Penganjuran kejohanan adalah secara pesta dengan memberi penekanan kepada penyertaan ramai pengamal dan pegerak seni bela diri dari seluruh negara.

Tahun ini, sekali lagi kejohanan gilang-gemilang tersebut akan diadakan dengan jangkakan penyertaan lebih daripada 2,000 peserta.

Timbalan Menteri Belia dan Sukan, Wee Jee Seng pada majlis pra pelancaran kejohanan kali ke-11 tersebut berkata, program tersebut adalah satu usaha untuk menjadikan sukan seni mempertahankan diri sebagai daya tarikan kepada rakyat untuk mengisi masa lapang dengan lebih manfaat.

Di samping itu katanya, kejohanan tersebut juga

PERSATUAN silat menjanjikan pertarungan yang hebat pada Kejohanan Sukan Mempertahankan Diri Kebangsaan 2009. - Gambar hiasan.



bertujuan menerapkan nilai-nilai murni dan falsafah sukan seni mempertahankan diri kepada generasi muda dalam usaha mencapai aspirasi Wawasan 2020. "Seni mempertahankan diri yang ada di negara kita kebanyakannya merupakan warisan silam yang tidak ternilai harganya. Oleh itu ia perlu dipelihara dan diperturunkan kepada generasi muda agar ia tidak

hilang ditelan zaman. "Menyedari hakikat inilah maka kementerian telah mengambil inisiatif menganjurkan kejohanan ini agar warisan peninggalan sejak zaman berzaman ini sentiasa terpelihara," katanya. Justeru katanya, melalui penganjuran kejohanan tersebut diharap akan dapat menjadi alat

yang berkesan untuk menarik minat masyarakat terutamanya golongan muda untuk terlibat dan mengamalkan seni mempertahankan diri. Penglibatan golongan muda dan remaja dalam aktiviti seperti itu ujar beliau, sudah pasti akan dapat meningkatkan semangat juang di kalangan mereka dan lebih penting golongan terse-

but akan menjadi rakyat yang berdisiplin, bersemangat patriotik dan berdikari serta dapat menjauhkan diri daripada kegiatan yang negatif seperti lepak, mat rempit, jenayah dandadah. "Kejohanan ini secara tidak langsung dapat meningkatkan kesedaran masyarakat terhadap kepentingan mengamalkan budaya bersukan.



PERSATUAN taekwondo turut menyahut cabaran pada Kejuhan Sukan Mempertahankan Diri Kebangsaan 2009. - Gambar hiasan

Objektif kejuhan

- Menjadikan sukan seni mempertahankan diri sebagai daya tarikan kepada rakyat untuk mengisi masa lapang dengan lebih bermanfaat bagi menghindarkan diri mereka dari kegiatan yang boleh membawa kerosakan diri, agama dan negara.
- Menerapkan nilai-nilai murni dalam falsafah sukan seni mempertahankan diri kepada generasi kini untuk mencapai aspirasi Wawasan 2020.
- Untuk mengekalkan dan mempertahankan warisan budaya tempatan agar ia sentiasa subur, malah akan menjadi kebanggaan kita semua di masa hadapan.
- Mengeratkan perpaduan pelbagai kaum melalui penyertaan yang bermuafakat dan semangat perpaduan tinggi demi kesejahteraan negara.

Info kejuhan

- Diadakan di negeri Kedah.
- Kejuhan berlangsung dari **25 hingga 28 Jun 2009**.
- 2,000 peserta dan pegawai akan menyertai kejuhan.
- Menawarkan 1,214 pingat untuk pelbagai kategori mengikut disiplin masing-masing.
- 10 disiplin seni bela diri akan mengambil bahagian seperti:
 - Seni Silat Gayong Malaysia
 - Silat Helang Putih Malaysia
 - Seni Silat Cekak Malaysia
 - Seni Silat Lincah Malaysia
 - Seni Silat Kegayongan (A) Helang Putih Malaysia
 - Taekwondo Global Malaysia
 - Whusu Malaysia
 - Silambam Malaysia
 - Persekutuan Taekwondo Antarabangsa Malaysia
 - Shito-Ru Karate-Do Malaysia

Sejarah penganjuran

SIRI	TAHUN	TEMPAT
1	1997	Universiti Teknologi MARA, Shah Alam, Selangor
2	1998	Universiti Teknologi MARA, Shah Alam, Selangor
3	1999	PULAPOL, Kuala Lumpur
4	2000	Universiti Teknologi MARA, Shah Alam, Selangor
5	2001	Universiti Putra Malaysia, Serdang, Selangor
6	2002	Pahang
7	2003	Melaka
8	2004	Perak
9	2005	Johor
10	2008	Pulau Pinang
11	2009	Kedah

“Kejuhan ini secara tidak langsung dapat meningkatkan kesedaran masyarakat terhadap kepentingan mengamalkan budaya bersukan.”

“Rakyat yang sihat sudah tentunya dapat meningkatkan produktiviti dan seterusnya kesejahteraan dan kemakmuran negara,”katanya.

Menyedari kepentingan seni mempertahankan diri, Jeck Seng turut menggesa persatuan sukan Waja Diri agar mengambil langkah yang lebih proaktif memperbanyakkan aktiviti dan kelas latihan seni mempertahankan diri supaya lebih ramai masyarakat terutama anak muda dapat menyertainya.

Tegasnya, persatuan-persatuan seni mempertahankan diri juga perlu mempertingkatkan kemahiran pengurusan agar dapat mengurus persatuan dengan lebih baik dan berkesan.

“Perancangan jangka pendek dan panjang perlu diadakan seperti memperbanyakkan ahli, menambah bilangan jurulatih yang bertauliah serta mengadakan latihan dan pertandingan supaya warisan seni mempertahankan diri ini tidak akan luput dan terus berkembang di masa-masa akan datang,” katanya.